


**BO MISERIKORDIA TA ALKANSA TE NA E  
SHELUNAN**



**"Lo mi alabáBo, O  
Señor, meimei di e  
pueblonan; lo mi  
kanta na Bo meimei di  
e nashonnan.  
Pasombra Bo  
miserikòrdia ta yega  
te na e shelunan, i Bo  
bèrdat te na e  
nubianan"**

**(Salmo 57:9,10)**



Ora ku David a move e arka pa Jerusalèm el a kanta: “Pasombra Su miserikòrdia ta wanta pa semper” (1Kron. 16:34).

Ora ku e arka a wòrdu poné den Salomon su Tèmpel, e Levitanan, a kanta: “ Pasombra Su amor di miserikòrdia ta wanta pa semper” (2Kron. 5:13).

Ora e kandela divino a destruí e holokousto, nan a ripití: “Pasombra Su miserikòrdia ta wanta pa semper” (2Kron. 7:3).

Ora ku Josafat a Sali bai na bataya, e Levitanan a kanta: “Pasombra Su amor ta dura pa semper” (2Kron. 20:21).

Ora ku Zorobabel a pone e fundeshi di e Tèmpel nobo, esaki a wòrdu kantá: “Pasombra Su amor di miserikòrdia ... ta etèrno ” (Esdras 3:11).

E mesun frase ta wòrdu ripití den Salmonan 100, 103, 106, 107, 118, 136 i 138.

Jeremias a profetisá ku, ora ku Jerusalèm a wòrdu restorá, esaki lo wòrdu kantá: “ Pasombra Su amor ta dura pa semper ” (Jer. 33:11).

Kiko ta nifika pa mi ku Dios Su amor ta etèrno?

Di kiko e amor ei ta konsistí?

Ki benefisionan esaki ta trese pa mi?

Kon ami por respondé na e amor ei?



### Dios Su amor:

- Amor ku ta dura pa semper (Salmo 136).
- Amor ku ta transformá (Salmo 51).
- Amor ku ta pordoná (Salmo 130).

### Kontesta(reakshon) humano na e amor di Dios:

- Alabansa i konfiansa (Salmo 113 i 123).
- Bendishon i admirashon (Salmo 103).



# DIOS SU AMOR



# AMOR KU TA DURA PA SEMPER

"Duna gradisimentu na Señor, pasombra E ta bon; Su amor ta wanta pa semper" (Salmo 136:1 NIV)




El a hasi obranan maraviyoso  
kreando tur kos rònt di nos  
(Salmo 136:1-9)

Salmo 136 ta un kantika antifónico. Den kada un di esaki su 26 vèrsnan , un parti di e koro ta alaba Dios i e otro parti ta kontestá ku e rason(motibu) ku ta hustifiká e alabansa ei: " Pasombra Su miserikòrdia ta dura pa semper."

E palabra Hebreo tradusí "miserikòrdia" lo por wòrdú tradusí " kariño-amoroso," "amor." Kiko Dios ta hasi manehando dor di Su amor etérno?



El a libra Israel for di sklabitut i  
a stablesé nan den e Tera  
Priminti (Salmo 136:10-22)



Aktualmente, E ta kuida pa  
nos, ta libra nos, i ta sostene  
nos (Salmo 136:23-26)

Dios Su amor no ta afektá solamente esnan kende ta stim'É, pasombra E ta " duna kuminda na tur karni " (Salmo 136:25). Kontemplando e amor ei, e salmista ta kuminsá i ta terminá su himno dor di invitá nos pa


# AMOR KU TA TRANSFORMÁ

"Krea den mi un kurason limpi, O Dios, i renobá un spiritu stabil(rekto) den mi " (Salmo 51:10)

Salmo 51 a wòrdú skirbí dor di David " ora ku el a bini serka Bètsabé, Natan e profeta a bini serka djé" (a skirbi muchu). Te na e momentu ei, remordementu a kome na David su alma. Awor el a habri su kurason dilanti di Dios i a konfesá su piká sin suavisá òf hustifiká esaki, konsiente di su inabilitat pa stòp di peka (Salmo 51:3-5).



E tabata sa ku, for di Su gran amor, Dios lo limpia su piká i hasi su transgresion disparsé kompletamente (Salmo 51:1-2, 7-9). Pero, sorprendientemente, David ta bai mas leu. E no ta satisfecho ku pordon. Si no tin kambio den nos bida, nos lo sigui ta inkapas pa stòp di peka. Nos tin mester di un transformashon.



Dios por i kier hasi e milager ei: krea un kurason limpi i un spiritu rekto den nos (Salmo 51:10). Pordon i renobamentu di nos ser ta resultá den goso, testimonio, kantikanan i alabansa (Salmo 51:12-15). Y Dios ta alegrá(tin delisia) den risibi nos alabansa humilde di amor (Salmo 51:16-19).

# AMOR KU TA PORDONÁ

““ Si Abo, Señor, a tene un registro di pikánan, Señor, ken lo por keda pará? Pero serka Bo tin pordon, asina ku nos lo por, ku reverensia, sirbíBo ” (Salmo 130:3-4)

## Tin dos tema principal di Salmo 130

E pordon

Piká ta un abismo hundu for di kual e pekador ta sklama na Dios (Salmo 130:1-2). Ora E ta skucha na nos, Señor ta wak nos i ... kiko E ta mira?

Si E fiha Su wowonan riba nos piká, nos ta kabá (Salmo 130:3).

Pero Dios Su wowonan amoroso ta wòrdu fihá riba e pekador repentí, i E ta dun'é pordon (Salmo 130:4).

E speramentu

E aktitut divino aki ta genera(produsí) speransa. Pesei, nos ta warda konfidentemente pa risibi Dios Su pordon.

Nos ta warda spesialmente pa e mainta glorioso den kual nos ta tende for di Su lepnan: “ Drenta den e goso di bo shon” (Mat 25:21; cf. Salmo 130:5-6).

Tur di Dios Su pueblo ta partisipá den e speramentu ansioso aki, ora ku “ E lo redemí Israel for di tur nan pikánan ” (Salmo 130:7-8).

**“ Nos lo skonde den Hesus Kristu. Nos lo konfia den Su amor. Nos lo kere dia tras dia ku E ta stima nos ku un amor ku ta infinito. No laga nada, nada deskurashábo, i hasibo tristu. Pensa di e bondat di Dios. Konta di nobo Su fabornan i bendishonnan. [...] Ku alabansa na Señor lo ta semper den nos kurason, den nos mente i riba nos lepnán ”**

# KONTESTA HUMANO NA E AMOR DI DIOS





# ALABANSA I KONFIANSA

" Alabá Señor, boso Su sirbidónan; alabá e nòmber di Señor " (Salmo 113:1)



Ki rasonnan Salmonan 113 i 123 ta duna nos pa alaba i konfia den Señor?

**Salmo 113:4**

Pasombra E ta halsá riba shelu i tera

**Salmo  
113:5-6**

Pasombra ounke E ta biba den haltura, E ta umiyá Su mes i ta baha na nos nivel

**Salmo  
113:7-8**


Pasombra E ta lanta esnan pober i esnan den nesesidat

**Salmo 113:9**

Pasombra E ta hasi maraviyoso milagernan

**Salmo 123**

Pasombra E tin miserikòrdia di nos ora ku nos ta wòrdú despresiá




Den kòrtiko, nos ta alaba Dios pa Su poder, pa Su milagernan, pa Su amor, i pasombra E ta umiyá Su mes, apesar di Su grandesa.

Riba e Krus nos por mira, huntu, tur e atributonan divino aki. Su gran amor a guia Hesus pa umiya Su mes " te na morto " pa nos ( Fil . 2:8). Esaki no ta digno di alabansa? Nos lo no konfia kompletamente den e Salvador poderoso i amoroso aki?

# BENDISHON I ATMIRASHON

Bendishoná Señor, mi alma, i no lubidá tur Su benefisionan" (Salmo 103:2)



Ki benefisionan Señor ta duna nos?

Pordoná mi inikidatnn (Salmo 103:3a)

Kura mi malesanan(enfermidatnan) (Salmo 103:3b)

Reskata(redemi) mi bida for di e pos(abismo) (Salmo 103:4a)

E ta koronámi ku fabornan i amor (Salmo 103:4b)

E ta satisfasémi ku kosnan bon (Salmo 103:5a)

E ta renobá mi hubentut (Salmo 103:5b)

E ta hasi hustisia ora ku mi ta sufri violensia (Salmo 103:6)

E ta hasi Su plannan konosí na mi (Salmo 103:7)

E ta stimámi i lo no ta rabiá ku mi (Salmo 103:8-9)

E no ta pagámi segun mi piká (Salmo 103:10-11)

E no ta kòrda mi pikánan (Salmo 103:12)

E sa ku pronto mi lo no t'ei mas, i E tin miserikòrdia di mi (Salmo 103:13-18)

Komo kontesta na e kariñonan aki, nos ta uni ku e angelnan den bendishoná Señor (Salmo 103:19-22).

Alabansa ta kuminsá ora ku un hende rekonosé e mahestat i obranan di Dios i ta respondé den adorashon na Su bondat, miserikòrdia, i sabiduria.

**“Bo no mester senk abou deskurashá(desanimá). Esnan di kurason desvanesido lo wòrdú hasí fuerte; esnan deprimí lo wòrdú hasí pa spera. Dios tin un kuido tiernu pa Su pueblo. Su orea ta habrí pa ku nan lamento. Mi no tin ningun temor pa Dios Su kousa. E lo kuida pa Su propio kousa. Nos deber ta pa yena nos porshon i lugá, biba ... umilde na e pia di e krus, i biba bidanan fiel i santu dilanti djÉ. Mientras nos ta hasi esaki nos lo no tin bergwensa, pero nos alma lo konfia den Dios ku audasia santu. [...]”**

**Mi kurason ta fihá(sigurá), konfiando den Dios. Nos tin un Salbador henté. Nos por regosihá den Su plenitut riku. Mi ta anhelá pa ta mas dediká(konsagrá) na Dios, mas konsagrá na djÉ ”** EGW (Reflecting Jesus, December 3)